



Kattusseqatigiit Partiiat

05 marts 2010

UPA 2010/74

Inatsisartut suleriaasiata § 35-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

Apeqquteqaat aallaavigalugu oqallisissiaq: Qanoq iliornikkut pitsaanerusemik Qimminut nerukkaatissanik qulakkeerinnittoqarsinnaanera pillungu apeqquteqaat aallaavigalungu oqallisissiaq.

(Inatsisartunut ilaasortaq Jakob Skade, Kattusseqatigiit Partiiat)

Tungavilersuut:

Siullermik ukiuni kingullerni qimminut nerukkaatissat amigaatigineqartarnerisa eqqartorneqartarnerat arlaatigut aaqiivigineqartariaqartut.

Aaqqiissutissanillu ujarlernerimi isumaqarpugut pissusissamisoortoq ajornartorsiutip oqallisigitinneratigut, aaqqiissutissat siunnersuutissat amerlanerpaat pissarsiarineqarsinnaasut.

Sapinngisamillu aaqqiissutaasinnaasunik ujarlernerimi susasaqartunut tusarniaaneq malitsigisariaqarpaa.

Kattusseqatigiit Partiianiit isumaqarpugut sapinngisamik piniakkat pisareerernerisa kingornatigut maangaannartitsisarnerup minnerpaaffissaminiitinneqarnissaa anguniarlugu qanoq iliornikkut pilersaaruserlungu aaqiivigineqartariaqartoq.

Taamaasiorsinnaavugut KNAPK aammalu qimussertartut kattuffii qanimut suleqatigineqarnerisigut, taakkuuppummi piniartunik aalisartunillu ulluinnarni qanimut sullissisut suleqataasullu.

Naluneqanngitsutut ajornartorsiut nunatta avannaani kisimi ajornartorsiutitut annerusutut taaneqarsinnaagaluarpoq, kisianni isumaqarpugut ajornartorsiummut aaqqiiniarnermi nunarput tamaat ataatsimut isigalugu aaqqiiniartariaqartugut.

Tamakkulu tungavigalugit erseqqissartariaqarparput piniakkat killilersukkat ukiuni kingullerni annertuumik eqqartorneqartuarneri aamma qimminut nerukkaatissaqartitsiniarnermut attuumassuteqarmat.

Taamaammatt Kattusseqatigiit Partiianiik isumaqarpugut aalisagarpasuit nunatta sineriarujussuani atorluarneqanngitsut iluaqutigineqarsinnaasorpasuit qanoq iliorneqarsinnaagaluit, tamakku ilagilluinnarpaat eqalussuit qimminut nerukkaatissatut pitsaanerpaat ilaattut atorluarneqarsinnaasorpasuit piniarneqanngimmata pingaartumik nunatta avannaani.

Naggataatigut Kattusseqatigiit Partiianiik erseqqissarusupparput puisinik allanilluunniit piakkanik imarmiunik pisaqartilluta ilaatingut amia kisiat tiguneqartarmat. Kalaallit uagut Kultoritsinnik qimatsiartulersimassuugut uffa neqi taama pingaaruteqartigisoq soormi panerserlugu qimminulluunniit nerisassiarigutsigu.

Taamatut naakkaluamik Kattusseqatigiit Partiat sinnerlugu oqallissarummik saqqummiussivunga, neriullunga oqallinneq uummaarissumik kinguneqarluartumillu ingerlanneqarumaartoq.